

Pendaftaran pandu lalu penuntut UMP patuh SOP

KUANTAN - Seramai 822 penuntut Program Diploma Sesi Akademik 2020/2021 **Universiti Malaysia Pahang (UMP)** mendaftar secara pandu lalu di pusat pengajian tinggi berkenaan kelmarin.

Timbalan Naib Canselor Hal Ehwal Pelajar dan Alumni UMP, Profesor Datuk Dr Yuserrie Zainuddin berkata, sesi pendaftaran dalam normal baharu itu bagi mengekang penularan wabak koronavirus (Covid-19) dan mematuhi prosedur operasi standard (SOP) yang ditetapkan Kementerian Kesihatan Malaysia (KKM).

Menurutnya, sesi pertama pendaftaran diadakan pada 1 Ogos lalu membabitkan seramai 252 penuntut dan selebihnya 570 penuntut kelmarin.

“Semua penuntut sudah membuat pengesahan dan pendaftaran secara dalam talian pada 20 hingga 25 Julai lalu.

“Saya berpuas hati dengan perjalanan proses pendaftaran Program Diploma Sesi Akademik 2020/2021 UMP kampus Gambang kali ini, kerjasama semua pihak melancarkan perjalanan proses terbabit,” katanya yang turut memantau proses pendaftaran itu.

Dr Yuserrie berkata, selepas selesai urusan pendaftaran, penuntut akan dihantar ke asrama tanpa perlu dibantu keluarga.

Jelasnya, pematuhan SOP seperti penjarakkan fizikal, penggunaan pelitup muka dan pembasmian sentiasa diberi perhatian bagi mengelak sebarang kemungkinan.

Bagi pasangan kembar Muhammad Nur Mirza Mat Hassan dan Muhammad Nur Izzat, 18, impian mereka untuk melanjutkan pengajian ke pusat pengajian tinggi menjadi kenyataan apabila terpilih ke UMP.



Urusetia UPM yang terlibat mengambil suhu penuntut Program Diploma Sesi Akademik 2020/2021 di UMP Gambang.